

समै – 12:25 hrs.

<><><><><><>

### Scrutiny-Bypolls

11 नवंबर गी होने आहले नगरोटा ते बडगाम विधानसभा सीटें लेई उपचुनांs लेई दाखल नामांकन पत्रें दी जांच-पड़ताल अज्ज कीती जाहग। आकाशवाणी दे जम्मू संवाददाता नै जानकारी दिती ऐ जे इनें दौनें सीटें लेई कुल 33 मेदवारें अपने नामांकन दाखल कीते देन जिंदे चा 20 नै बडगाम ते 13 नै नगरोटा सीट पर अपनी नामजदगी दाखल कीती दी ऐ। चुनांs पूरी चाल्ती सुतंत्र, पारदर्शी, साफ-सुथरे ते बवस्था आहले ढंगै सिर करोआने लेई चुनांs प्रशासन आसेआ पूरे हल्के च थाहरें-थाहरें नाके लाए देन ते बक्ख-बक्ख इलाके च सी.सी.टी.वी कैमरे राएं नेड़मी तक्क रक्खी जा करदी ऐ। कोई बी मेदवार जेकर चाहन तां 24 अक्टूबर तगर अपने ना वापस लेई सकदे न। मतदान 11 नवंबर गी होग जिसलै जे वोटें दी गिनतरी 14 नवंबर गी होग। पूरी चुनांs प्रक्रिया दुरान रमानदारी ते बवस्था बनाई रखने लेई सुरक्षा दे बी निग्गर बंदोबस्त कीते गेदे न।

<><><><><><>

### LA-Session Prep

जम्मू-कश्मीर विधानसभा दा 9 दिनें दा इजलास कल्लै थमां श्रीनगर च शुरू होआ करदा ऐ जेदे लेई लोड़चदियां सब्बै तैयारियां मुकम्मल करी लैतियां गेदियां न। 23 तरीक कोला लेइये 31 तगर चलने आहले इस इजलास लेई स्पीकर अब्दुल रहीम राथर हुंदे आसेआ जारी शुरूआती कलेंडर मुजब इजलास दी शुरूआत पिछले ते इस इजलास दुरान पूरे होई गेदे विधायकें, सांसदें या होर साबका

मिम्बरें गी श्रद्धांजलि देने कन्नै होग। सदन दी कार्रवाई बाकी 6 दिनें तोड़ी चलग। इस केहड़े इजलास दुरान कई महत्वपूर्ण विकास मुद्दे, आम जनता दी भलाई-बेहतरी सरबन्धी विषे ते केंद्र शासित प्रदेश कन्नै जुड़े दे मुद्दे पर चर्चा ते कार्रवाई होने दी मेद ऐ। इजलास दुरान सुरक्षा ते दमानदारी बनाई रखने लेई बी लोड़चदे सब्बै बंदोबस्त कीते गेदे न।

<><><><><><>

#### Speaker Private Resolution

तोआई, जम्मू-कश्मीर विधानसभा दे स्पीकर अब्दुल रहीम राथर हारें पीडीपी दे कुपवाड़ा थमां विधायक मीर फयाज हुंदे आसेआ दिते गेदे प्रस्ताव गी शामिल करी लैता ऐ जेहदे च उपभोक्ताएं दे बिजली दी बकाया कराएं इक बारी माफ करी देने दी सफारश कीती गेदी ऐ। इस प्रस्ताव दा मकसद उपभोक्ताएं गी राहत देना ऐ जिनेंगी बिजली दी बधी दी कीमत, बिल जारी करने गी लेइए पेश आवा'रदिएं दिक्कतें करी परेशानी होआ करदी ऐ। विधायक आसेआ जमा करोआए गेदे बिल गीस्पीकर हुंदे आसेआ जमा करी लैनेदे बाद इसी हून असेम्बली च पेश करने दे बिले दी श्रेणी च रक्खेआ जाहग। इस पैहल दा मकसद बिजली दे बिले दे भारें हेठ दबोए दे आम लोकें गी राहत देना ऐ।

<><><><><><>

#### Gallentary-Citation

केंद्र सरकार नै आपरेशन सिंदूर समेत बक्ख-बक्ख अभियानें दुरान बड़ी मती हिम्मत ते दलेरी दा प्रदर्शन करने लेई रक्षा कर्मिएं गी वीरता पुरस्कार प्रशस्ति पत्र प्रदान करने लेई गैजेटिड अधिसूचना जारी कीती ऐ। एहदे च शामिल प्रशस्ति पत्रें च कर्नल कोषांक लाम्बा ते लेफ्टिनेंट कर्नल सुशील बिष्ट जनेए वीरें दे नाऽ शामिल न। कर्नल कोषांक लांबा होरें'गी जारी गोलाबारी च गैर ममूली दलेरी

हिम्मत ते वीरता दा प्रदर्शन करने लेई वीर चक्र कन्नै सम्मानित कीता गेआ ऐ जिसलै कि लेफ्टिनेंट कर्नल सुशील बिष्ट होरेंगी आफिसर कमांडिंग दे रूपै च शानदार नेतृत्व, दलेरी ते हिम्मत दा प्रदर्शन करदे होई आतंकी ठकानें गी पूरी चाल्ली तबाह करी देने च कामयाबी पर वीर चक्र दिता जा करदा ऐ। तोआई, ब्हाई फौज थमां ग्रुप कैप्टन रणजीत सिंह सिद्दू होरेंगी चुने गेदे नशाने पर सटीक कार्रवाई मिशनें च स्क्वाड्रन दी कमान साम्भने लेई वीर चक्र ते ग्रुप कैप्टन अमिनेश पाटनी होरेंगी इक अगेत्रे ब्हाई ठकाने थमां ब्हा च मार करने आहली मसाइल दागने दरान बेहतरीन ते कामयाब नेतृत्व करदे होई अपने वसीलें दी रक्षा करदे होई दुश्मन गी भारी नुकसान पुजाने लेई वीर चक्र कन्नै सम्मानित कीता जा'रदा ऐ। एहदे शा पैहले राष्ट्रपति द्रौपदी मुर्म होरें 127 वीरता पुरस्कारें ते 40 विशिष्ट सेवा पुरस्कारें दी मंजूरी दिती ही।

<><><><><><>

### PM-MKB

प्रधानमंत्री नरेंद्र मोदी होर औंदी 26 अक्टूबर गी अपने रेडियो कार्यक्रम “मन की बात” राएं देश-विदेश च रौहने आहले श्रोताएं कन्नै अपने विचार सांझे करडन। हर म्हीने दे खीरले ऐतवारें बडलै 11 बजे प्रसारित होने आहले इस कार्यक्रम दी एह 127मीं किश्त होग, जेहदे च शामिल करने लेई लोक अपने विचार ते सुझास टोल फ्री नंबर 1800-11-7800 पर भेजी सकदे न। एहदे अलावा लोक अपने विचार नरेंद्र मोदी ऐप जां माई गोव अपने फोरम पर ऑनलाइन बी भेजी सकदे न। एह सुझास भेजने दी खीरी तरीक 24 अक्टूबर रक्खी गेदी ऐ। हासल सुझाएं चा ताले गेदे किश विचारें गी इस कार्यक्रम च शामिल कीता जाई सकदा ऐ।

<><><><><><>

### Goverdhan-Puja

गोवर्धन पूजा अज्ज देश दे बक्ख-बक्ख हिस्सें च धार्मिक श्रद्धा कन्ने मनाई जा'रदी ऐ। उत्तर प्रदेश ते चेचा करी मथुरा ते वृंदावन क्षेत्र च जित्थे भगवान कृष्ण होरें'गी मनने आहली बड़ी गिनतरी च किट्ठे होए दे न उत्थे गोवर्धन पूजा धार्मिक उत्साह ते भक्ति कन्ने मनाई जा'रदी ऐ। गोवर्धन दे प्रमुख मंदिरें जियां दानघाटी मुमुट मुखारविंद ते जतीपुरा-मुखारविंद च दपैहरी तकरीबन 12 बजे दुधक न्ने अभिषेक कीता जाग। भक्त भगवान गी छप्पन भोग अर्पित करा'रदे न ते अन्नकूट नांs दे रूट्टी दा पहाड़ बना'रदे न। लोक इस मौके पर अपनी गवें गी बी सजांदे न ते उंदी पूजा करदे न।

<><><><><><>

#### JMC-Kiosk

शैहें च ढांचागत सुविधाएं गी भलेआंअज्जै-कल्लै दिएं जरूरतें स्हाबै बनाने ते रेहड़ी-फड़ी आहलें गी मते बवस्थितते पारदर्शी ढंगगें'नै नमें सिरेया मुआफिक थाहें पर स्थापित करने सरबंधीअपने जतनें गी बरोबर जारी रक्खदे होई जम्मू नगर निगम नै इक बशेश पैहल कीतीऐ। इस गेंह दे तैहत जम्मू च गुम्मत दी पौड़िएं आहले इलाके च नमें तैयार कीतेगेदे आधुनिक स्टॉलें दी अलॉटमेंट लेई लक्की-झा दा सरिस्ता कीता गेआ। एहदेशा पैहले जम्मू नगर निगम आसेआ इस इलाके च बनाए गेदे 82 पराने खोखें गीउत्थुआं हटाइयै विकास-बाददे दे कम्में लेई बत पदरी कीती गई ही। इसपैहलकदमी दा मकसद, पराने खोखें दी थाह मते बवस्थित ते आधुनिक स्टॉलस्थापित करियै इस बजारै गी अज्जै-कल्लै दे मुआफिक बनाना बी ऐ हा।

<><><><><><>